

## ENCUESTA RIBA CONFIANSA DI CONSUMIDOR – DECEMBER 2013

Comunicado di prensa<sup>1</sup>

Durante di e periodo di 14 di December 2013 te cu 5 di Januari 2014, Banco Central di Aruba (BCA) lo tene e di cuatro encuesta riba e confianza di consumidor na Aruba, e asina yama “Consumer Confidence Survey” (CCS), pa e año aki. E CCS ta consisti di 21 pregunta di opcion multiple (“multiple choice”) relata na e percepcion y expectativanan di e publico tocante e estado di e economia Arubano y di su habito di consumo.

E CCS ta provee BCA cu informacion valioso cual e ta usa den su analisis y proyeccionnan macro-economico. Tambe e encuesta aki ta midi e sentimento di consumidornan Arubano cual ta duna un miho bista riba desaroyonan economico. Adicionalmente, e CCS lo por ta util den determina maneho financiero y economico. Lo compara e resultadonan di e encuesta aki cu e encuestanan anterior pa analisa e cambio den e sentimento di e pueblo Arubano.

Mescos cu e prome encuestanan 5 persona, contracta door di BCA, lo encuesta un total di 400 persona pa adkiri e datonan importante. Encuestadornan lo ta staciona na diferente lugarnan strategico riba nos isla, manera Registro Civil y Oficina di Post, y lo tin un carnet di identificacion como prueba cu nan ta trahando den nomber di BCA. Door cu e preguntanan na e consumidornan lo ta cortico (p.e., *lo bo por bisa cu bo persona (y bo famia) ta financieramente mihor, peor, of mesun cos para compara cu 6 luna pasa?*), e entrevista no lo huma mas cu 10 minuut pa completa.

Mirando e importancia di e CCS pa Aruba, BCA ta haci un suplica na nos comunidad pa coopera mas tanto posibel cu e encuesta aki. Tur persona entrevista por ta asegura cu BCA lo trata e informacion colecta di e encuesta cu e maximo nivel di confidencialidad y lo publica e resultado solamente den un forma agrega. Personanan cu lo desea di hanja mas informacion riba e encuesta aki por huma contacto cu Sr. Jonathan Upegui (tel. 5252215; e-mail [j.upegui@cbaruba.org](mailto:j.upegui@cbaruba.org)) di e Departamento di Investigacion di BCA.

Banco Central di Aruba

13 di December, 2013

---

<sup>1</sup> E orginal na Ingles ta prevalece.